



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; e-пошта: jtbd@jtbd.ba

Број: Т18 0 КТ 0017752 24
Брчко, 27.08.2024. године

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

О П Т У Ж Н И Ц У

Protiv:

SENADA MUHAREMOVIĆA rođen 1991. godine u Brčkom (...)

Što je:

Dana 06.06.2024. godine, oko 02,30 časova, u Brčkom, u ulici Mostarska broj ..., ispred ugostiteljskog objekta „Belvedere“, nakon što je prethodnog dana 05.06.2024. godine u večernjim satima u navedenom objektu zajedno sjedio sa J. T, te su njih dvojica J. putničkim motornim vozilom marke „Passat“, registarskih oznaka ..., otišli do terminala Luka Brčko, gdje su se našli sa prijateljem E. T., kada je došlo do verbalnog sukoba između njega i J., pa je iz tog razloga E. ga vratio ispred objekta „Belvedere“, kojom prilikom ih je svojim vozilom pratio J, pa nakon dolaska na parking prostor navedenog objekta, ponovo dolazi do verbalnog sukoba između Senada i J, kada Senad odlazi do svog parkirano motornog vozila marke „Iveco“ registarskih oznaka ..., u kome je, svjestan da je građanima zabranjeno nabavljanje, držanje i nošenje bez dozvole oružja kategorije „B“, što je i htio, te protivno članu 7 stav (3) Zakona o oružju i municiji Brčko distrikta BiH, držao pištolj, marke „Makarov“, oznake IK 30 390, kalibra 9 mm, koje oružje se svrstava u oružje kategorije „B“ iz člana 6 tačka b) alineja 2) Zakona o oružju i municiji Brčko distrikta BiH, potom uzeo pištolj i trčećim korakom se vratio prema J, i svjestan da pucanjem iz pištolja J. može lišiti života, što je i htio, iz neposredne blizine, ispalio sedam hitaca prema J. dok se on nalazio pored i u putničkom motornom vozilu marke „Passat“ kojom prilikom je J. pogodio u lijevu nadlakticu i nanio mu tešku tjelesnu povredu, i na više mjesta ošteti navedeno vozilo, a nakon toga se sa E. T. putničkim motornim vozilom marke „Golf 3“, žute boje, udaljio sa lica mjesta, dok je dana 06.06.2024. godine u mjestu Brka, Brčko distrikt BiH, u prostorijama preduzeća „Bacoo“ d.o.o., svjestan da je građanima zabranjeno nabavljati i držati municiju, držao pištoljski okvir sa pripadajućih 8 komada metaka kalibra 9 mm i kutiju u kojoj se nalazilo 16 komada metaka kalibra 9 mm, a koja municija se prema članu 6 tačka a) alineja 5) Zakona o oružju i municiji Brčko distrikta BiH svrstava u „A“ kategoriju, čije nabavljanje i držanje je prema članu 7 stav (2) navedenog zakona građanima zabranjeno, a što su pronašli policijski službenici Policije Brčko distrikta BiH nakon obavljenog pretresa, postupajući po Naredbi Osnovnog suda Brčko distrikta BiH broj 96 0 K 163995 24 Kpp od dana 06.06.2024. godine,

dakle, pokušao drugog lišiti života, bez važeće isprave o oružju držao oružje kategorije „B“ i neovlašćeno nabavio i držao municiju čija nabavka građanima uopšte nije dozvoljena,

čime je učinio krivično djelo –Ubistvo– u pokušaju iz člana 163 stav (1) u vezi sa članom 28 Krivičnog zakona Brčko distrikta BiH u sticaju sa krivičnim djelom -Nedozvoljeno držanje oružja ili eksplozivnih materija– iz člana 365 stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.